


444


444

E 7

E

7





DISPUTATIO JURIDICA
INAUGURALIS
DE
Litterarum Obligatione.

Q V A M,

PRÆSIDE DEO OPT. MAX.

Ex auctoritate Magnifici Rectoris,

D. WOLFERDI SENGUERDII, L. A. M.

Phil. & J. U. Doct illiusque in Illustri Academia

Lugd.-Bat. Profess. ordinarii, celeberrimi, &c.

NEC NON

*Amplissimi Senatus Academici Consensu, & Nobilissimæ
Facultatis Juridicæ Decreto,*

PRO GRADU DOCTORATUS,

Summisque in UTROQUE JURE Honoribus & Privilegiis
ritè & legitimè consequendis,

Publico examini subicit

JOANNES JACOB. van SCHLECHT, Hag. Bat.

Die 20 Martii, horâ ac loco solitis.



LUGDUNI BATAVORUM,

Apud ABRAHAMUM ELZEVIER,
Academiæ Typograph. MDC LXXXV.



VIRIS
SPECTATISSIMIS ET DIGNISSIMIS,
FREDERICO VAN SCHLECHT,
PARENTI SUO
DILECTISSIMO,
FILIALI OBEDIENTIA AC AMORE
IN ÆTERNUM PROSEQUENDO.

GERHARDO VAN DALFZEN,
UTRIUSQUE
CURIE HOLLANDIÆ, LITIUM PROCURATORI,
AVUNCULO SUO CHARISSIMO,
AD ULTIMUM VITÆ HALITUM VENERANDO.

NEC NON,
NATALIUM ET VIRTUTUM SPLENDORE
NOBILISSIMO
HONORUM LUCE CONSPICUO ET ILLUSTR
VIRO
DOMINO,

PHILIPPO ZOETE DE LAEKE à VILLERS,
DOMINO IN VILLERS,
TOPARCHÆ IN ZEVENDER,
CONSESSUS ILLUSTRISSIMORUM DD. ORDINUM
HOLLANDIÆ ET WESTFRISIÆ
MEMBRO EX NOBILIBUS
AD CONSILIUM DD. ORDINUM

HARUM CIVITATUM CONVENTUM
DELEGATO ORDINARIO
NOBILIS ABBATIE RHENOBURGICÆ
PRINCIPI CURATORI,
RHENOLANDIÆ PRIMARIO INDIGENÆ,
SALTUUMQUE HOLLANDIÆ ET WESTERISIÆ
PRÆFECTO.

UT ET
CLARISSIMO ET CELEBERRIMO
VIRO,
PHILIPPO REINHARDO VITRIARIO,
J. U. D.
EJUSDEMQUE FACULTATIS
IN ALMA HAC LUGDUNENSI ACADEMIA
ANTECESSORI
ORDINARIO, CONSUMMATISSIMO,
FACUNDISSIMO,
PRÆCEPTORI MEO DE ME STUDIISQUE
MEIS OPTIMO MERITO
NEC ULLO UNQUAM TEMPORE
POENITENDO.

Hanc disputationem inauguralem ob
plurima in se collata beneficia (cum
se totum deberet) in animi gra-
tissimi symbolum

offert & inscribit

JOAN. JACOB. van SCHLECHT,

Auctor.

A 2

PRO-



PROOEMIUM.

Licet presentis materiae utilitas ac difficultas, sufficiens praefandi argumentum suppeditet, hujus disputationis fronti spicium, prae loquio quodam exquisitiori (cum neque adsurgat eo facundia mea) ornare seu potius onerare visum haud fuit; sed paucis id quod sine dubio non nullorum reprehensioni obnoxium erit diluendum existimaui: attamen ne illotis (ut ita dicam) manibus rem aggrediar, rationem quae animum ad scribendum, hancce praeter ceteris cur elegerim materiam appulit, unam atque alteram adferre, non incongruum judicavi. Moribus enim circa promotiones receptum est, ut qui lauream doctoralem cum laude sibi comparare studeant, materiam quandam publicae disquisitioni submittant. Vastissimum igitur illud Iuris Oceanum cum ingressus essem, inter tot ac tantas excellentiores materias, animum harentem, & quo se verteret nescientem reperi, tandem contractus chirographarii materia de cujus effectu imperegrinationibus proprio experimento edoctus fui, arrisit, hujus enim materiae utilitas non eget commendatione, quod cum nulli lateat rem ipsam aggrediar.

CA-

CAPUT I.

Speciem quandam si bene ex colere alicui sit animus, primo ipsius genus ipsum cognoscere, ac indicare debere, indubitati juris est. Ad rem autem ut cum ordine, relictis ambagibus procedamus, generici nominis, *paronymia* excutienda erit. *Conventio* igitur, seu *conventionis nomen*, à verbo *convenire* dictum, *Metaphorice* hoc loco ab *Ulpiano*, cum ait, sicuti convenire dicuntur, qui ex diversis locis in unum colliguntur, & veniunt, ita & qui diversis animi motibus in unum consentiunt, id est, in unam sententiam decurrunt, sumptum, *l. 1. §. 3. ff. de pact.* adeo ab eodem *Jcto*: generale esse dicitur, & ad omnia pertinens de quibus negotii contrahendi, transigendique causa consentiunt, qui inter se agunt, *l. 1. ff. eod.* Quod & *Pedius* non minus absolute, quam eleganter confirmat, hisce verbis, nullum esse contractum, nullam obligationem, quæ non habet in se conventionem, sive re, sive verbis fiat *d. l. 1. ff. eod.*

Conventio, quod & alias *pactum in generali specificatione* acceptum dicitur, definitur quod sit *duorum pluriumve in idem placitum consensus*, *l. 1. §. 2. ff. de pact. l. 3. ff. de pollicitat.* Verum ut propius ad institutum nostrum accedamus, non est nobis animus, singula hujus definitionis verba explicare, quæ ab aliis (ut opinor) satis excultra erunt, sed solummodo impræsentiarum, hujus definitionis mentem compendiosissime percurrere, animadvertentes *duorum pluriumve* dici, ut hinc removeantur ultimæ voluntates, & itidem vota, ac pollicitationes, in quibus unius tantum, vel testantis voluntas, vel voventis aut offerentis promissum spectatur, *l. 12. in fin. legat. 1. l. 2. l. 3. ff. de pollicitat.*

Neque enim solus quippiam, vel sibimet ipsi pacisci potest, cum nemo sibi obligetur, *l. 2. ff. de stipul. serv. & l. pen. de recept. arbit.* pergitque *Ulpianus*, in *idem placitum consensus*, id est, in hoc ut aliquid fiat, negotii contrahendi vel dirimendi causa, cum utriusque aut plurium consensu; quia sine consensu nihil plane efficitur, *l. 1. §. pen. ff. de pact.* licet contractus quidam solo consensu constare dicantur, ideoque non sequitur, in cæteris consensum non requiri: nam ad essentiam genericam omnium contractuum necessario consensus requiritur, sed ad essentiam

specificam, alii requirunt ut accedat vel rei traditio, vel litteræ, vel verba.

CAPUT II.

Conventio, sive pactum jam definitum, in varias dividitur species, ac primo in pactum in specie sic dictum, & contractum, l. 1. §. 3. 4. l. 5. 6. 7. ff. de pact. l. 15. ff. de præsript. verb.

Pactum in specie sic dictum, est conventio duorum pluriumve in idem placitum, destituta & nomine, & causa. l. 1. §. 2. junct. l. 7. pr. §. 1. ff. de pact. arg. l. 27. C. locat. l. 15. C. famil. ercisc. id est, vi intrinseca civiliter obligandi, neque certum, definitum, ac speciale nomen, neque talem formam, qualem contractus nominati, neque talem causam, cur dare aut facere debeas, qualem contractus nec-nominati habet: sed solo nomine pacti contenta. Hoc pactum in specie sic dictum, à DD. propter varios in jure effectus, iterum in nudum, & non nudum, quod alias docendi causa, vestitum, non tam inepto sensu quam nomine, nec nomine prorsus inepto dividitur: cujus divisionis fundamentum, in l. jurispr. §. 1. 2. & 4. ff. de pact. l. 8. l. 15. ff. de præs. verb. l. legem 10. C. de pact. reperiri potest.

Pactum nudum dicitur, quod in simplicibus conventionis finibus subsistit, l. 27. C. locat. l. 15. C. fam. ercisc. indeque naturalem solum, non civilem obligationem, seu actionem, jure civili efficacem parit, l. 7. pr. & §. 4. ff. de pact. l. 10. l. 12. C. eod. l. 15. ff. de præs. verb. l. 1. C. de pact. conv. l. 1. ff. de rev. permitt. l. 3. C. eod. l. 27. C. locat. l. 5. §. 2. ff. de solut. Nudum hic dicitur per translationem, solum & simplex, quod tantum pactum sit, ut Imperatores loquuntur in l. 27. C. de locat. quod nudo sine placiti stat, & solum pactum dicitur, l. 23. C. de pign. similis translatio est nudus consensus, nuda proprietas, &c. Sic nuda veritas, nullis velata coloribus, Φίλοι λόγος, apud Aristotelem 3. Rhetor.

Pactum non nudum, seu vestitum, est cui ultra simplices conventionis fines, vis aliqua civiliter, ac efficaciter obligandi extrinsecus accedit l. 6. l. 7. ff. de pact. quæ vis vel est ab assistentia legis & fit pactum legitimum, vel coherencia contractus, & dicitur pactum adjectum; ex quo luce meridiana clarius apparet, neque hæc pacta legitima, neque con-

contractibus pacta incontinenti adjecta, contractus esse; sed è contrario cum contractibus non esse confundenda, & esse ac manere in se pacta nuda, licet communem vim obligandi cum contractibus habeant; nam re bene perponderata, asserere cogimur, neutrum horum in proprium conventionis transire nomen, nec ut superius monuimus, causam cur dare aut facere debeamus, ullam, præter conventionem habere, nam in pactis legitimis consideramus specialem confirmationem, in pactis vero adjectis unionem cum contractibus, in quibus fiunt, & quorum in partes transeunt.

Pactum legitimum est, quod manente simplici conventionis forma, speciali aliqua lege civili, singularem ob rationem, confirmatur & adjuvatur, indeque vel obligationem civilem & actionem producit, vel obligationem & actionem ipso jure tollit. l. 6. ff. de pact. Id est in proprium contractum non transiens, nec insecuta causa firmatum, sed recte speciali lege (legis verbo pro jure civili quod & jus prætorium quoque comprehendit sumpto) ut Pactum constituti, l. 1. & l. 2. de const. pecun. Pactum hypothecæ, l. 2. pr. de pign. act. l. 17. §. 2. ff. de pact. Pactum donationis l. 35. §. ult. C. de donat. §. 2. Inst. de donat. N. 162. c. 1. & §. 1. in fin. & c. Confirmatum.

Pactum adjectum vel generaliter vel specialiter accipi potest; Generaliter acceptum, significat omne pactum, quod contractui accedit seu additur sive in continenti, sive ex intervallo. Pactum vero adjectum in specie, est quod simplicis conventionis forma manente, vim civiliter ac efficaciter obligandi, a contractu bona fidei, cui incontinenti additum est, habet. l. 7. §. 5. ff. de pact. l. 13. C. eod. id est in initio contractus, antequam perfectus est, seu nullo alio actu interveniente, ex tempore adjicitur. Prolixiorum explicationem his addere non est animus, sed his principiis breviter explicatis, rem ipsam aggrediemur.

CAPUT III.

Contractuum originem summa cum ratione, Imperator ex Jure Gentium descendere statuit: considerando enim homines in societate civili viventes, reperimus, ratiocinationem circa res usu & necessitate exigente, induxisse quædam jura, ut circa matrimonio-

rimoniam, distinctiones dominiorum, & contractus pene omnes. §. 2. *Inst. de l. N. G. & Civ.* quæ cum ad materiam hanc nostram non pertineant, reliquimus, & ad alia nos conferemus. *Contractus* igitur qui à contrahendo dictus, sumitur vel (1º) *generaliter*, pro quolibet actu ex quo civilis obligatio oritur. l. 20. ff. *de judic.* quo sensu non solum pacta legitima, l. 17. C. *de fid. instrum.* N. 119. c. 1. sed & delicta, l. 52. *de re jud.* l. 25. *de act. rer. annor.* comprehendit. (2º) *Specialiter* pro modo obligandi, qui ex conventionem, quæ vi propria, sive ob nomen, sive saltem ob causam ad producendam obligationem civilem & actionem efficax est, descendente; l. 7. §. 1. & 2. *junct.* l. 6. ff. *de pact.* in qua significatione frequentiori nos accipimus. (3º) *Specialissime* pro contractu, quem *Αδελφον* appellant, seu ex quo mutua nascitur obligatio. Quo significatu contractum à *Labeone* describi volunt in l. 19. ff. *de V. S.*

Contractus jam in speciali nostra significatione definitur, *Conventio*, habens proprium nomen, aut eo deficiente causam. l. 7. §. 1. & 2. ff. *de pact.* qui vel *verus* id est qui vero consensu initur, vel *quasi contractus*, qui consensu, à lege ob factum aliquod, præsumpto seu inducto, constat. *pr. Inst. de obl. qua ex quas: contr.* *Verus* hic *contractus* iterum vel *nominatus* vel *innominatus* dicitur. *Nominatus* vocatur, non quia retinet solum nomen sui generis, conventionis sc. sed quia proprium & specificum objectum habet, & inde proprium & specificum nomen, atque propriam & nominatam producit actionem, nomina enim suis rebus convenientia esse debent. §. 3. *Inst. de donat.* *Innominatus*, è contra dicitur, cui illud proprium & specificum non est attributum nomen, l. 3. ff. *de præsc. verb.* sed utuntur communi nomine sui generis l. 7. §. 1. ff. *de pact.* ex DD *ibidem*. *Innominatis* autem, cum ad propositum nostrum non pertineant relictis ad nominatos nos conferemus.

Contractus nominati vel *re*, vel *verbis*, vel *litteris*, vel *consensu* constare dicuntur. *Re* constant quia in illis præter partium consensum qui omnino adesse debet, necesse est, ut res ipsa quoque interveniat, nec enim sufficit conventio partium nisi res quoque de qua conventum est actualiter tradatur & interveniat §. *un. Inst. de obl. qua ex consens.* *Verbis* constant quia in illis, præter consensum, ad substantiam, requiruntur verba ore prolata, videlicet ut præcedat interrogatio, congrua responsione subsequente. *Consensu*

sensu constant, qui ad essentiam præter consensum nihil requirunt ut in antedictis ubi vel res vel verba summopere necessaria sunt, & consensus in his contractibus solus, sine ullo legis adminiculo, efficacem obligationem & actionem producit.

Litteris quoque constare dicitur contractus, quia ex litteris substantiam capit quod cum à quibusdam in dubium revocetur, disputationisve nostræ principale objectum cum sit, parum anxius inquirere est animus.

C A P U T IV.

Diversis temporibus, diversimode *Litterarum obligatio* seu *Chirographum* obtinuit, olim nominibus fieri dicebatur, *Inst. h. t.* exinde quia moris erat, ut ille qui pecuniam accipiebat, nomen suum & summam, calendario seu tabulis ejus, à quo pecuniam accipiebat, inscriberet, hinc enim est quod obligationes seu debita, appellentur nomina, quæ mutata Imperii sede, Græcorumque more recepto, in usu esse desiere. Imperator autem noster cum videret indigentes pecunia, omnem lapidem movere, ut alios ad mutuandum facilius inducerent, & anxietate illam consequendi, instrumentum conficerent, quo se certam pecuniæ summam accepisse scribunt, quæ sæpius illis nec nondum numerata est, neque postea numeratur, *Litterarum obligationem* seu *Contractum Chirographarum* surrogavit, qui sic definitur, quod sit, *contractus quo debitor, Scriptura seu chirographo dato, facitur, se certam pecuniæ summam accepisse, quam revera non accepit.* *Scriptura* diximus hanc obligationem contrahi, quia & forma & radicalis materia est, ex qua obligatio emanat, licet pecunia non sit numerata, quæ & cautio aliquando nominatur, quia creditori datur, in hoc, ut illi cautum & prospectum sit, fide hujus scripturæ adversus fraudulentam inficiationem debitoris, Sed & *contractum* esse, assertum ivimus, *olim scriptura fiebat obligatio, quæ nominibus fieri dicebatur;* Hæc sunt ipsa verba Justiniani, *Inst. h. t.* huic jam obligationi & hanc surrogavit, hisce verbis, *si quis debere se scripserit.* Surrogatum enim sapit naturam surrogati, *arg. l. 2. §. 1. ff. de pen. (2º)* Absurdum est, creditori nullam, ad id quod credidit repetendum, concedere actionem, quàm nam er-

go illi concedemus, videamus. Necessse enim est ut qui obligetur, aut re obligetur, aut verbis seu stipulatione, aut consensu solo, aut si nihil horum est, ut litteris obligetur, quoniam non sint plures causæ, ex quibus obligatio ex contractu nascatur *l. i. juncta l. 2. ff. de O. & A. §. i. Inst. eod.* in qua litterarum obligatio aliis epistolis opponitur.

Re enim hic noster debitor non obligatur cum fingamus, pecuniam revera numeratam non esse; Neque verbis seu stipulatione, quia & hunc proponimus, qui simpliciter confessus est se debere, citra stipulationem *dict. tit. Inst.* Denique si neque ex his duobus, multo minus consensu solo, cum non obligetur, nisi dicat pecuniam sibi esse numeratam, oportet ergo ut ex litteris obligetur, & ex illis conditio nascatur, ut etiam loquitur Imperator in *Instit. hoc tit.* aut nullam habebit actionem, quod absurdum diximus esse.

CAPUT V.

Cognita definitione, probatoque contractu, videamus igitur quænam ipsius sit forma essentialis, & in quo consistat. Formam hic contractus à scriptura accipit, cum litteræ forma & radicalis materia, ex qua obligatio emanat dicantur, licet pecunia numerata non sit, & ad essentiam seu formam essentialem, hujus contractus, scripturam necessariam esse, exinde patet, quod post Biennium non amplius quærat, an pecunia confessa numerata sit, nec ne, sed Scriptura autoritate juris, pro veritate habetur, *d. pr. Inst. h. t. l. 8. C. de non num. pec.* sicut res judicata, & iurjurandum *l. 55. ff. de re jud.* & adeo quidem, ut non tantum probet, sed & consistentem obliget. Ex quibus dictis concludi potest, scripturam hanc differre ab instrumentis; licet enim uterque fidem facere videatur, & in hoc conveniant, attamen discrepant in aliis, nam chirographum non tantum probat aliquem debere sed & ipsum obligat *§. unic. Inst. de lit. obl.* inprimis cum post Biennium non amplius quæramus an pecunia sit numerata nec ne, *dict. §. unic. l. h. t. & leg. 8. C. eod.* è contra instrumentum fidem quidem facit, ut autem plena probet fide authenticum ut sit oportet sed obligari nullibi reperisse me confitior *vid.*

l. i.

l. 1. C. de fide instrum. l. 2. & 4. ff. eod. sunt enim scripturæ, ut quod actum est per eos facilius probari possit, *dict. l. 4.* Hinc falsum est, contractum hunc esse speciem mutui, seu præsumptum mutuum. Præsumptum enim mutuum, (1°) quasi contractibus annumeratur. §. 1. *Inst. quib. mod. re contr. oblig.* (2°) In mutuo necessario requiritur rei traditio quod in hoc nostro contractu expresse contra verba Imperatoris *de pecunia minime numerata* asserere absurdum esset. (3°) Præsumptum mutuum dicunt, potest consistere sine scriptura, testibus adhibitis, cum scriptura adhibeatur tantum melioris probationis gratia, ex §. 2. *Inst. de except. junct. l. 9. ff. de pig. & hypoth.* hic noster autem contractus non potest consistere sine scriptura, *d. d. text.* (4°) Ex præsumpto mutuo oritur conditio certi ex mutuo, *l. 5. quib. non objic. long. temp. præsc.* sic hoc contractu conditio certi ex Scriptura, *in med. §. un. Inst. h. t.* (5°) Quia olim non ex præsumpto mutuo, sed ex stipulatione hæc obligatio oriebatur, ergo hodie etiam ex litteris, non ex præsumpto mutuo, §. 2. *Inst. de except.* (6°) Quia Imperator noster, non tantum hoc conceptis & expressis verbis asserit, *in dict. §. unic.* sed & expresse, *in §. ult. Inst. de oblig.* dicit esse quatuor species contractuum, id quod & antiqui] Cui ante ipsum, in Digestis a Imiserunt, *l. 2. ff. de O. & A.* hisce jam superaddo, obligationem hanc nostram, duobus temporibus posse considerari, ante Biennium (tempus quo exceptio non numeratæ pecuniæ, ut intra dicturi sumus competit) & post biennium; Ante biennium si consideretur, omnes nobiscum assertum ibunt, quod actor jure summo probata scriptura vinceret, nisi hæc ratio Imperatorem in contrarium duxisset, nempe; cum videret varios pecunia egentes homines, nihil non facere, ut quandam summam assequerentur, & spe illam assequendi, chirographum, in quo confitentur se modo accepisse, quod tantum sperant se accepturos, scribere; cum propter tales confessiones, sæpe illicitæ fiebant extorsiones, & debitorum nulla haberetur ratio, in hoc contractu, propter frequentiam talium confessionum, introduxit, scripturam per biennium hoc numerationem non probare, sed creditori incumbere probationem numerationem esse factam, *Inst. hic & l. 19. C. de non num. pec.* hoc autem ante biennium, post biennium vero, tum scriptura autoritate legis, ita efficax est, ut auctor probata scriptura vincat, & fundamentum tulissime in eo collocet, ut

Justinianus in *pr. Inst.* hic hisce verbis dum *quari non potest*. (hoc est elapso biennio) *scriptura reum obligari, & ex ea conditionem cum effectu nasci.*

CAPUT. VI.

Pertractata quoad institutum nostrum, literalis obligationis materia, videamus quid illi opponantur. Opponitur *Exceptio non numerata pecunia*, circa quam varie D. D. sunt opiniones, an nempe post biennium opponi possit, si debitor onus probandi, in se recipiat? Nos vero hisce moti rationibus, statum à parte negantium. Et (1°) quidem si admitteremus probationem contra cautionem, post biennium obligatio tum non oriretur ex ipsis litteris, sed scriptura saltem fidem faceret & præsumptionem præberet, quæ sicut alias regulariter *contraria* probatione posset elidi, §. 11. *Inst. de iur. stip.*, & non obligaret scriptorem ita ut actio exinde oriri posset, quod præcedentibus capitibus superque indicavimus, sed obligatio tota ex præsumpto quodam mutuo esset, & ita Justinianus frustra hanc nostram litterarum obligationem, ab ea quæ ex mutuo descendit sejunxisset, §. ult. *Inst. de obl.* cui ut assentiar, à me imperrare haud possum. (2°) Hæc non numeratæ pecuniæ exceptio, cum utriusque tam debitoris quam creditoris causa introducta sit §. unic. *Inst. de iur. stip.* hic post biennium opponi nequitum potest, quia si opponeretur creditoris ratio nulla haberetur, & intentioni Justiniani expresse pugnaret, cum utroque hac sua constitutione subvenire, in animum induxerat, quod patet tum respectu debitoris, cum ante biennium, onus probandi in creditorem transfugeret, tum ratione creditoris, ne diutius pecunia sua defraudaretur, *pr. Inst.* hic alias creditor & ante biennium, probationis onere gravatus esset, & postea diuturna probatione debitoris molestaretur. (3°) Quia post biennium, ne quidem jus jurandum in iudicio, creditori à debitore, qui quæstus non est, deferri potest, l. 14. §. 3. (*de non num. pec.*) quod tamen facilius deberet admitti, quam prolixa illa & contra invitum susceptoræ probationes, ratio; quia sic agentes, rem uno verbo transigere possent, actor testis & iudex in propriâ causâ constitueretur, cum recusatio juris

ju-

jurandi judicialis, adversus recusantem, qui justam recusandi causam non habet, pro manifesta confessione & probatione habeatur *l. 38. ff. de jur. jurand.* (4°) Quia adversus præscriptionem legitime completam, contraria probatio locum non habet, *l. ult. C. de præsc. long. temp.* & post biennium ex parte actoris, præscriptionem temporalem completam esse, patet ex *§. un. Inst. hic & D. D. Text.* (5°) Præcipue commoveor exemplo cautionis, quæ post statutum tempus condici non potest *l. ult. C. de condict. ex leg.* (6°) Denique hæc verba, *sin autem quæstus est exceptio non numerata pecunia, heredi & adversus heredem ejus perpetuo competit,* legis 8. *C. de non num. pec.* clarissime nostram forent opinionem, quia si tum exceptio tantum perpetuatur, cum ante biennium debitor quæstus sit, necessario intra biennium coarctabitur, si non quæstus sit, quod per sequentia ejusdem legis verba, **OMNIMODO** heres ejus etiam si pupillus sit debitum solvere compellitur & *l. 14. pr. C. eod. SOLUM BIENNIUM & NULO MODO querela non numerata pecunia introduci possit* adjuvatur. Confer. *Vinnium in select. Quest. lib. 1. Q. 41.* ubi in fine dicit contrariam, Gl. Barthol. & aliorum opinionem esse receptam, item in Gallia Provinciis Belgicis plerisque non meliorem esse conditionem cautionis pecuniæ creditæ quam cæterarum cautionum Vid. *Christin. ubi ut. Gudelm. d. c. 6. in fine. Cyprian. censu Belg. ad hunc tit. Imbert. Inst. for. c. 35. Groenew. de ll. abrog. ad tit. C. de non num. pec. & ibidem citatos.* Hæc & plurimæ adhuc aliæ rationes quas adducere possemus, nos commoverunt ad hanc amplectendam opinionem, plura enim cum hæc capita contineant, quam intra horæ spatium quispiam oppugnare posset, contrariorum opiniones refutando, hancce materiam extendere non est animus.

COROLLARIA.

I.

*Fus accrescendi obtinet inter omnes conjunctos & sic
etiam inter verbis tantum.*

II.

Non autem pertinet ad emptorem hereditatis.

III.

*Mulier Senatus consulto Vellejano etiam extra judi-
cium renunciare potest.*

IV.

Contractus Arrharius non datur.

V.

Stipulatio sine causa effectum non habet.

VI.

*Si causa debendi in instrumento non est expressa da-
tur conditio certi.*

F I N I S.

EPIGRAMMA.

In honorem eruditissimi & præstantissimi
Domini *Candidati*.

JOANNI JACOBI van SCHLECHT.

Est aliquid celeri, plus, certo tendere passu
Ad metam; certum celsa trophæa manent.
Sic abit *Hippomenes Atalanta* Victor, ut illam
Detulerint alæ, fulmineive pedes.
Cum simul ast gressu celeri certoque secutus
Sis metam, SCHLECHTI, vincis utrumque simul.

C. LANGENHERT.

Aen den selven.

Wat flickert hier voor 't oog? Wat ruyscht hier door ons
ooren?

Stijght hier de eer galm niet van SCHLECHT naer't *Capitoel*,
Een schand're voester kint van't *Leytsche Hooge School*,
Geacht, ge-eert, geviert, tot *Advocaet* verkooren,

Hier blinckt de Middag-Zon van 't loffelijk verstant:
In een geslepen geest yol van Wet kundigheden.
Daer 't recht, met recht foeckt recht geen onrecht wort geleden.
Op sulcke stijlen rust den welstant van het Landt,

Dat swanger gaet van twist, en nijdige krakeelen:
Dat dickwils veel onrust, en droeve rampen baert,
Hier treed een radde tongh voor 't scherp-gewette swaert.
En weet de droeve breuck door 't recht, met recht te heelen,
Hier

Hier liet men 't spiegel-glas dat vuyl, en schoon, vertoont.
Hier wast de schoone handt de vuyl-bemorfte handen.
En sluyt 't onredelyck, met redelycke banden,
Gelukkig is het volck die onder Recht'ren woont,

Wie hert, en oog vergraeght dees blad're moet door blad'ren.
Hier is by-een-geknoopt veel twisten, en dispuyt,
Wie oordeelt met verstant die vint het recht hier uyt:
Een recht, dat oordeel spreeckt, na't recht der wijse-vad'ren,

Daer t'een, door kragt van reën, het ander maeckt verftomt:
Dat recht en billick is van ongekreuckte Zielen,
D'onnoofelen herstelt tot schrick der Inoode fielen:
Soo wijftmen recht, wie 't recht gerechtelyck toe-komt.

Dees saam-gegaerde stof doet SCHLECHT nu zegen-pralen:
Met d'eer kroon op sijn kruyn, verschafft nu lauwer blaen.
Sijn schand're geest verbeelt, nu recht, *Papinaen*.
Wyl d'echo van sijn stem klinckt door Vrouw *Themis* zalen,

Wie kent sich niet verplicht u nader toe-te-treen:
Met heylb're zegen-wensch de dagen van u leven,
Dat u breyn-rijcke vat door 't spraek-lit raet wil geven,
Tot roem, en eer van u, voordeelich voor 't Gemeen.

Volhardt dan, waerde Heer, in dese groote saecken:
Spreeckt staeg volmondig uyt waer in het recht bestaet,
't Geen recht en billick is, der Burg'ren, nut, en baet,
Op dat elck u verstant mach met een na-smaeck sinaecken.

Strijdt met een reden-strijdt, waer door gy lof be-erft,
Een rechte Campioen geen recht-twist komt te vreesen,
Wie sich een Man verthoont voor Weduwen, en Weesen,
Sijn lof in 't leven blijft schoon dat sijn lichaem sterft.

A. LAMPSINS.

Omnia vincit sapientia.

